

敘州府志卷十九

木政

岷嶽檀栢岷山柏梓荒箐空埋曩編徒紀惟郡西南
異材瑰瑋懸嶂難攀

欽工罷采茂豫桐生

皇仁無涖述木政第十四

明永樂四年詔建北京行宮勅工部尙書宋禮督木
禮言有數大木一夕自浮大谷達於江天子以爲神
名其山曰神木山遣官祠祭十年復命禮採木四川

仁宗立已其役

明史食貨志

敘州府志

卷十九

木政

一

四川

明胡廣神木山祠記皇帝統御天下惠養黎元首
飭有司毋擅用一夫取一材生養休息日庶日富
比年歲登民和海宇熙洽迺者永樂四年秋詢謀
於羣臣曰古者建都必營宮殿朕肇北京恢宏舊
規以永貽謀顧興作事重惟恐煩民然不可後羣
臣僉曰陛下慎恤民力視之如傷而民皆樂於趨
事皇帝曰爾往試哉乃用命入山以伐材焉用民
力十取其一給以廩食歸其傭直而民忻然鼓舞
不知其勞故事不程督而集工部尙書臣宋禮取
材於蜀得大木於馬湖府圍以尋尺計者若干踰

尋丈者數株計庸萬夫力乃可運將謀刊除道路
以出之一夕木忽自行達於坦途有巨石巉然當
其衝夜聞吼聲如雷石劃自開木由中出無所齟
齬夜越險巖膚寸不損所經之處一草不掩百工
執事顧視謹譁踴躍交慶事聞廷臣稽首稱賀謂
聖德所致皇上辭以弗逮推德於山川草木預有
喜色鮮澤榮華蔚然穠麗及祭之日先降微雨灑
滌游坩俎豆旣陳羶薌肸鬩暗雲倏消天宇澄湛
明星煌煌月影交輝祥飈徐來神用俱歆聞山呼
聲者三震動天地神顯其靈於昭有赫遂封是山

爲神木山詔有司建祠歲時祀享以答神貺命臣
廣爲文以紀其事刻之於石臣廣頓首受命仰惟
皇帝功德高厚比隆天地妙運一心斡旋萬化陰
陽鬼神隨機應動脗合無違故凡有施爲嘉禎沓
至是山川之神協贊禎符宣暢明靈濯濯洋洋休
有烈光超卓物表有不可以知巧測量之者然以
理求之具可知矣夫充塞兩間者鬼神之功用若
川泳雲游日暍雨潤風霆鼓動寒暑更迭歛陰忽
陽變化揮霍其迹尤著然三辰順軌雨暘以時景
星慶雲和氣充溢斯皆一心之所感召若夫木石

非由人力不可以運動而乃潛闕默輸實由聖德感孚神明協應之所致也固非耳目聞見可知已夫人之所不知不能者鬼神之所能也以人之所不知不能而測夫鬼神之能宜其有弗知也况凡天下名山大川奠於方域之中出雲雨產材木以資於國家其神固靈也神木之山所產良材自萌蘖而長以至於拱把連抱神之衛闕呵禁以待於今日然則神之效靈者非一朝夕也今茲之顯應所以兆皇帝萬世悠久之徵則神之功其可少哉稽之於傳凡有功於國家者必有祭神功彰著實

爲偉茂載之祀典於法允宜臣廣再拜謹書其事爲記并系之銘以頌歌聖德且以丕揚神休銘曰皇明受命統馭萬方六合泰甯物乂民康端拱垂衣無爲而治蠻貊荒服蟻附而至徵休之應如川如林至和感孚百靈俱歆壯哉北京龍飛之所帝用貽謀大啟厥宇慎恤黔首咨詢在廷庶民子來於始經營皇帝有詔取材於蜀神木之山岷峨是屬榱楠豫章絜之百圍神用呵闕以需於茲斧斤斯入林披薄斂凡厥所產悉呈弗掩良材丸丸孔曼且碩載而輸之萬夫入駱層巒峭壁轟轟尊崇

深谷崕岬飛流怒淙有巖厥途其石巖業徐步曳
武猶慮僨跲方謀平險憑虛架梁人力未施木忽
宵行越澗踰壑砰磕如雷巨石礪礪隨闢以開維
山有神維神昭靈默驅六丁祐相聖明神衷顯宣
嘉禎斯應以兆皇基萬世永盛報神有典祀事孔
宜爰作新廟歲以饗之醴清牲膳籩豆靜潔穀核
維旅羶薌有飶春蘿蔚陰秋菊垂芳裸薦以時禮
儀有章執事駿奔秉虔以對濟濟蹒蹒罔敢或懈
神之來享驅霆駕風翳以鳳凰驂以虬龍靈旂揚
揚神既降止鼓舞鏗駕風翳以鳳凰驂以虬龍靈旂揚

敘州府志

卷十九

木政

四

時暘眷此邦氓易沴作穰皇德同天幽明畢被勅
制神祠以愍神祀礪石刻銘茲山實侔頌宣皇德
永著神庥

皇朝康熙六年工部議建

太和殿需用大楠木請

勅下四川湖廣等處督撫稽查現有採就木植或山中出產
木植長徑尺寸根數需用錢糧確估限文到兩月內
報部酌議四川巡撫張德地親臨馬湖等處踏勘先
後題報三疏備陳艱險康熙八年二月內
奉

旨修造宮殿所用楠木不敷酌量以松木湊用令著停止採

取通志

張德地疏畧該臣看得楠木乃

宮殿急需臣嚴行徧查屢經催駁不啻三令五申祇因

蜀省幅員遼濶山路崎嶇往返動稽時日兼值流寇

之後巨樹良材焚劫無存先據遵義府屬報到踏勘

樹株夫匠錢糧數目隨經臣會

題在案今據署布政司按察使司李翀霄續報成都府

屬溫江嘉定州屬犍爲峩眉重慶府屬彭水馬湖府

屬屏山敘州府屬高縣宜賓興文等通共八縣樹株

敘州府志

卷十九

木政

五

尺寸人工錢糧數目造冊前來其樹株果否合式堪

充

上用臣等未敢懸定應送部候議作何分別酌示遵行至於

嚴駁再三查明咸稱地方不產楠木各府屬所具不

致隱匿如虛甘罪印結除彙送部外臣謹會同督臣

苗澄合詞具

題伏乞

皇上睿鑒勅部議覆施行又疏題爲敬陳採辦楠木之法上

可無悞

欽工不致糜費錢糧下可確實辦運不致累及殘黎事

竊照採辦楠木關係建

殿急需^臣冒險夷方遍至產木處所盡爲查勘前至馬

湖並遵義查出楠木株數丈尺圍圓另疏

題報外^臣查各州縣所報之木雖有大小長短之不同

^臣親披荆負棘直至各箐山頂踏勘而棟梁巨材各箐之中大約皆可採辦以資

國用但其箐之大者周圍有五六百里其小者亦有一二百里非一朝一夕可以盡悉必須按日細查方可採取如離小溪五十里至百里者猶可採運若百里之外者山勢愈峻道路愈險雖有大木無可如何矣

敘州府志

卷十九

木政

六

^臣隨傳綏陽縣查出舊時木廠附近居民吳之璽梁維棟任明選等三人親問採木之法據供故明時綏陽設有一廠地名南宮北掃當日設有督木道一員駐涪州有督木同知一員專管錢糧架長斧手俱係湖廣辰州府人奉上司文著落辰州府召募來川人夫係本官召募架長看路找廂找廂者卽墊低就高用木搭架將木置其上以爲拽運之說也斧手伐樹取材穿鼻找筏人夫拽運到河用石匠打當路石筏子做纜子鐵匠打斧頭與一應使用器具一廠用斧手一百名石匠二十名鐵匠二十名筏匠五十名找

廂架長二十名楠木一株長七丈圍圓一丈二三尺者用拽運夫五百名其餘按丈尺減用沿路安塘十里一塘看路徑長短安設一塘送一塘到大江九月起工二月止工三月河水泛漲難以找廂放工先於七月內動人夫五十名尋茹纜皮堆集放於廂上取其滑以拽其木每夫日支米一升僱工銀六分斧手架長日支米一升僱工銀一錢督木同知將放出木頭赴督木道交割八十株找一大筏召募水手放筏每筏用水手十名夫四十名差官押運到京等語據此又據署遵義府事成都府通判馬御世會同各州

敘州府志

卷十九

木政

七

縣列欵條議到臣酌古準今因革損益恭列數欵爲我

皇上陳之 一督木之官宜專也臣查故明採辦設有專官管理木廠一應錢糧出入召募夫匠等事此其專任今以臣管見於馬湖應設一廠遵義應設一廠每廠用督木同知一員凡採辦事宜專其責任令其設法分頭覓採果能廉能辦事急公奉法則聽臣獎勵若糜費錢糧擾害地方聽臣題參一切錢糧出入木植已完未完聽臣綜核報銷庶賞罰明而知懲勸錢糧不致糜費地方不致擾害而

欽工克有濟矣 一夫役宜預爲召募也產木之處人
民無幾卽盡其州縣之老壯男婦不過一二百人卽
俱充木夫不能運一木况大工一舉刻不容緩四川
有土無民久在

睿照勢必於附近富庶省分召募人夫五千名押送來川分
給兩廠拽運庶人夫旣足方可按時採辦計日運解
不致有悞限期矣 一斧手架長宜提取也查採木
舊例斧手架長俱出湖廣辰州府其斧手砍伐穿鼻
架長尋路找廂皆其慣習各有定法若不得其人木
料必致撲損勢必欲辰州府召募斧手二百名架長

四十名押送來川分給兩廠庶安頓布置得宜而巨
材易於伐運矣 一棟梁之材宜請定式也若不先
定丈尺株樹則錢糧夫匠之多寡難以懸度合無請
明長若干丈圓圍若干尺定爲號數若干株以便按
式採取若木數旣定則木植之大小距江道里之遠
近用工之多寡方可照數估計錢糧確實不致浮冒
矣 一錢糧宜預請撥也四川遠在天末若待起工
方請部撥而往返稽遲動需半載未免有悞大工合
無俟內部議定合式楠木若干株預行酌撥錢糧若
千兩先運來川以資夫匠工銀米菜之需有餘則存

留別支不足再請撥給總於運木到京之後總造清冊報部核算庶錢糧既足不致臨時掣肘矣 一木商斷不宜用也臣查故明初年專官採辦事克有濟及至末年信用木商領銀採辦一經入手任意花銷且於採木地方動以皇商爲名索取人夫種種擾害以致里民驚逃銀歸烏有究竟並無一木得濟實用雖將奸商監追徒株連無辜終無抵償此輩係亡命棍徒又無功名可戀身家可惜是以斷不宜用恐致糜費錢糧貽害地方耳 一找筏完結入江起運宜逐省撥夫遞送也蜀省到京水程最遠約有年餘若

不逐省遞送誠恐沿路遲滯查馬遵二府小溪俱會合於重慶大江由重慶而下夔關徑通湖廣若木植運抵楚界必須逐省沿途州縣撥水手人夫遞送前去仍各具不致耽延印結報部庶各有專責無違滯之虞矣 以上七款出臣管見至於需用夫匠錢糧必請自部撥若責令僱募夫匠到廠之日照舊例匠役架長日支米一升銀一錢夫役日支米一升工價銀六分而犒賞之費不與焉若於外省提撥但於日支米一升之外量給鹽菜銀兩而已應否採擇統候內部從長議覆請自

睿裁非^臣所敢擅專也理合具

題伏乞

皇上睿監勅部議覆施行

二十二年奉部文採楠杉二木郎中齊穡會同四川
巡撫杭愛踏勘部議令各官捐俸採運會馬湖知府
何源濬署下南道條陳五事部議杉木免運楠木仍
運一半會新撫姚締虞悉蜀情形

陛辭面陳難狀

上諭令親查可否締虞減從裹糧身歷險阻仍據實以
聞適松茂道王隲陞口北道入

敘州府志

卷十九

木政

十

覲奏與姚同奉

旨停免

通志

附何源濬條議畧蓋楠木皆生於深山窮谷大箐
峻坂之間當砍伐之時非若平地易施斧斤必須
找廂搭架使木有所倚且便削其枝葉多人夫
纜索維繫方無墜損之虞此砍木之難也拽運之
路俱極險窄空手尙苦難行用力最不容易必須
墊低就高用木搭架非比平地可用車輛上坡下
坂輾轉數十里或百里始平小溪又苦水淺且溪
中皆怪石林立必待大水泛漲漫石浮木始得放

出大江然木至小溪利於泛漲木在山陸又以泛漲爲病故舊例九月起工二月止工以三月水漲難於找廂是拽運於陸者在冬春拽運於水者在夏秋非可一直而行計日而至此拽運之難也至若所用夫役動以數千計蜀地民稀卽盡一郡一邑之老壯男婦不足充木夫之用况有耕耘之業乎勢必出於僱募而應募者多係外省游手之人無家屬相繫伐木拽運必用厚植相僱稍經磨苦卽易逃竄若必僱募本地有身家者則寥寥戶口應募無人此夫役之難也至若經費一項查蜀志

內載萬曆三十五年採辦木枋通共二萬四千六百一根塊彼時司議照萬曆二十四年估計規則共約用銀三百六十三萬餘兩彼當川省人民繁盛夫匠易集之時其費如此今通省查報合式楠杉二木共八千五百五十餘根而估計夫匠運價只共銀十二萬八千三百餘兩可稱萬分節減所慮蜀省文武官員遠宦天末處境苦寒非同腹裏富庶之地盡捐俸薪之外別無可措卽其所捐恐未能辦大役此經費之難也再查部文內有運送到京之語但蜀中水手止諳川河水性至於經歷

之湖廣江西江南等處均屬大江風浪易作水性各有不同而山東北直閘河之行動則又有異非各省應付水手人夫遞運恐有漂沒之虞則經過地方作何接替其法不可不預爲議定非先期行知各省不可也此運送到京之難也以上數事皆卑府管見確知其然一馬湖如此全省可知與其拮据於後孰若詳審於先擬合詳請憲臺預賜籌酌將不敷之處早請撥給庶

欽工有賴不致貽悞矣又馬湖府勘驗柎木記重建

太和殿議蒐材於所產之鄉按籍而稽蜀東南嘗承是

敘州府志

卷十九

木政

十二

川自六八

役焉馬湖界連蠻落山峻以墮路險以迂地僻以荒溪深以激嘉木之所植得永其壽年而其質常異明成祖時採大木於此盡人力不得出有司苦之木忽自行震動川谷而其事稱神後之爲商者利之遇營建受資於官挈家就林麓經時既久而其名益彰因仍而爲例此載之舊志之所由來也於是司徒大夫銜

命而馳秉旄撫軍與之偕至事綦重也監司諸公從之備諏詢也導引護隨趨蹌供億率官民以從事於修途責在太守康熙癸亥歲二月辛丑日發郡城絡

繹殆將千人出郭卽爲險途狹而不容車泥而不能騎往往徒行其日止解結寺次日歷平夷司止毛壩次日歷什葛溪鎖水崖高歌頭止小堡潤乃自什葛溪而前舊設營堡今廢此疆域之限過此則深入夷穴矣山之高者逶迤而上俯視欲墜手附藤蘿盡力攀躋衣履數易又歷乾溪風崖手爬崖率皆峭壁危巒急湍在下徑愈蹙令土人善馳者前導曳匹練以當其旁僅乃登人人心悸目搖越二日至大漢漕發郡以來皆沿河遶西而上至是則亂流東之羅羅頭目長率黃螂部夷眾待渡

渡用小桴載二三人水勢洶急首尾篙撐慙猛盡態閱三日眾濟又從石盤曲良久而猶若咫尺間也又一日至**狎**子壩又日至寒水壩又日至赤崖又日至爛泥漕斯爲木所自手爬崖至此凡七日中歷龍灘坡搗巴穴官村崖傳格頭楊三崖檜溪隘大毛灘兔溪黑巖扁脚坡弔藤巖三渡水無非崎嶇阻隘變幻離詭乃寰中所未見者其奇觀也天連於地亦陰晴叵測星雨競飛高可上翠微卑可探鮫室以云坦而易也則無之尋歷竹林溪登中寶山撫軍杭公同司徒齊公駐其頂羣蠻持羊

酒拜且譁譯得其語公勞之犒以豐蠻喜去下山
爲牛路口公屬從官分行視木數日糧匱眾采野
蒿爲食行庖貯甕餘有粒公視之憮然曰民斯瘡
矣曠遠將千里無人無市人皆病余胡能食遂罷
食當是時從官護卒幾一千餘羸馬半之如行邊
狀恐入山峙糗不易留食郡城者三之一餘從邁
郡民飛芻輓粟往復更番鑿嶺砌塗晝夜不息募
及游手役及營兵終弗能繼此智力之宜絀也有
頃趨運者集公諭太守計口贍之曰先眾後我自
此飢者咸獲甦無一人困谷中畢事而還至檜溪

隘將從舊路唯恐他幽處尙有未經者詢得羅漢
林尤異因從之息炊忍飢竭蹙三日至平夷司於
去時路始合又有一徑至沙灘子合大漢漕尤爲
峻隘人如獸行乃渡他如沐川司地稍廣而植無
喬不必覆勘次第復郡城爲四月己卯往還浹四
旬經千餘里驗得大小柘木若干株以報中丞公
體

國之念溢於言表踟躕久之似以物產遙遠爲疑計尺
尋出谷必耗財力逾歲時稽之往政徒恣中飽於
公事罔補是不敢不入告以期不愧任使

至尊仁聖必不以楹桷之需殫費以奉谿崖也將繕疏而病中道捐館臨終以其言諭僚吏云云蓋董是役而策不遺者撫軍杭公愛也竭慮勤宣迫不自慰竟莫自愜志於所事者戶部郎中齊公穉也從行奉指揮夙夜而甚勞者永甯巡憲劉公德宏暨戶部筆帖式巴君岱羅君茶撫軍筆帖式來君達也如夾江令孫君調鼎榮經令章君履成屏山令蔡君琨委署經歷張奇英丹稜典史陳誥則丈量木尺相度程途屏山典史楊建極則運支糧米內外奔走撫標守備趙君元盛千總高守禮把總任國

棟趙宏及隨標効用十餘員則分巡各山搜查木植敘馬遊戎張公世美千總李喜杜宣則率兵護從馬邊守備賀君定魁千總邱覺明把總陳元則率兵啟途新鎮鄉總王承恩什葛隘把王斌臣攝三臺檜溪隘把羅錦成則絡繹趲運其蠻夷正長官文誥命副長官呂蕤平夷司正長官王忠廉副長官王佑鉉沐川司正長官悅嶢瞻副長官夏宏猷泥溪司正長官王久大副長官王勤民則隨山曉喻蠻夷督募夫役偵探道里此勘木之始終也夫敬在公康乃績定民志怡眾心求之古人爲難

惟不欺其獨忠蓋油然而後誠孚神人也今以雕
敝之區而令出不驚以選徒之繁而供饋不乏以
自古未闢之境而拮据以能通以從來鮮終之效
而黽勉以期濟以不見天日之殊裔勤以奉壺漿
以一無所長之太守藉以倖無過乃曠世遭逢可
無誌其事以貽他日俾知勞苦艱難而敬公和民
兩全不易哉進而言曰蒐材以建殿也建殿以臨
御萬方曰太和治無加也聞名思義恭識

睿圖無非求甯觀成之意宏開久大之規數十年首重吏
治有功於民者旌之無益於民者黜之不採民艱

敘州府志

卷十九

本政

十六

以獻者罪之而外庭布政之臣當勤求仰答者也
上懋德足以致神下効忠於焉協瑞然則頰尾之
餘三星在留能卽此蒐材之役而繪進俠圖

朝廷必予之甯以爲過歟源濬遠臣也敢冀及此抑亦
廣故中丞公之遺意爾又聞之人臣盡力必視其
所守守固受民而牧者也疾苦以聞勞瘁以恤而
捐報

國恩在是矣彼因循歲月汎泉浸薪雖藻飾一時適自
欺也敬告來哲愚不知所云康熙二十三年癸亥

夏四月記

王隲疏大工需材甚殷民力實寡謹陳見聞仰祈
睿鑒以免遺悞以安殘蜀事該_臣案查康熙二十四年七

月初一日工部議覆四川巡撫韓世琦

題報採運楠杉捐輸銀兩數目並稱全蜀戶口寡少夫
匠等項請派附近之陝西湖廣等省分協幫一疏奉
旨四川人民稀少且屢經兵火困苦已極採辦楠杉等木
甚是艱難起運若派別省民夫絡繹解送必大累小
民今各省所報起解木植數目曾否足用著查明確
議具奏見報之日全蜀臣民莫不感泣嵩呼咸頌我
皇上明見萬里之外幸蜀省鋒鏑殘黎瘡痍未起復慶更

敘州府志

卷十九

木政

十七

生有路也後經部議各省應解杉木足用將四川應
用杉木四千零五十五根免解所有各省應解楠木
不敷梁柱等項於四川所報需用楠木四千五百零
三根內扣除免運共一千八百餘根仍令運送二千
六百六十三根奉

旨依議欽遵在案是四川楠杉二木邀

恩已免十分之七矣建造

太和殿近係外國之觀瞻遠係

聖子

神孫萬年之基業採運木料臣下職分子來共在民心艱

難豈忍置啄但事有勉強竭力而後可爲者有勉強
竭力而終不能爲者臣在蜀五載畧有見聞今當代
覲敢避斧鉞不以入告上負

皇上視民如傷之念下負臣子事君盡忠之義所有蜀土
山川險易之勢蜀民轉運艱苦之情敢爲

聖明陳之蓋四川四面環山巉巖虧蔽惟成都府境左右
稍稱平衍所產並無大楠臣曾出勘產木處所如沙
坪灌口賈家山何家山等處俱屬竣嶺懸崖運路自
山抵江或百餘里或七八十里所經由者俱屬深澗
幽壑一溪之行紆折幾盤必費多力而始轉一石之

敘州府志

卷十九

木政

十八

塞橫亙長川必待瀑水而後過較他岡阜迥逾千倍
此臣之所見也至若遵義馬湖等府之楠木大材尤
俱產諸高山窮谷老箐密林之中非獨人跡不到卽
鳥道亦稀前撫臣杭愛登山督察時遙望一木所在
必縴拽始至其地足胝履穿攀藤骨戰側身亦苦難
立砍伐何以施工臣嘗細訪輿論皆謂今存大楠因
其斧斤難施所以在山長年至於運道崎嶇罄竹莫
盡其尤甚者如遵義府屬之落水孔豬閬孔細鱗洞
麀子峽曲折之字拐彎天生橋三箇洞葫蘆洞水從
洞中流出又下魚硿須搭天橋長三百六十餘丈等

語馬湖屬內則有高碕赤巖黑巖偏橋板鬼溪豬閭巖弔藤巖九溪三渡水等處峭壁乾溝亂石壅塞山水旋長旋涸不能濟運等語此_臣之所聞也卽以參考古法採取必須找廂搭架拽運必須墊低就高輾轉上下木在溪澗利於泛漲木在山陸又以泛漲爲累故陸運必於春冬水運必於夏秋忽水忽陸非可一直而行計日而至其大概然也_臣伏讀採辦楠杉等木甚屬艱難之

旨固已密悉

聖聰矣如使民力稍可足用竭力所當勉圖顧四川幅幘

敘州府志

卷十九

木政

十九

雖廣滿目祇有荒煙百里竟無半竈當進兵運糧時疲病死亡鄭圖難繪_臣伏讀四川人民稀少且屢經兵火困苦已極之

旨又已密悉

聖聰矣幸托

天威蕩平數年以來老弱安生瘡痍漸起但以通省之戶口總計之仍不過一萬八千九十餘丁是合全蜀數千里內之人民不及他省一縣之眾就中抽撥五千入山採辦楠木其供送衣糧器具者勢不可少又將千百遣發饋送動用遠者千里近者數百里耕作必

致全廢

國賦誰爲輸將且度山度嶺多恐失墜風棲露處恒懼
虎狼種種情狀不能殫述且蜀值風鶴之後民情慣
聽訛傳前察木時工猶未動聞風私逃携妻挈子拋
棄室家若實在動工用夫之際豈不遠則他徙近則
走險乎其採運之艱難人民之稀少民情之搖惑如
此四川楠杉雖已解運十分之一而所運之大木二
千二百六十三根斷不能如他省之解運者可以按
數按期而至也

殿工不容少稽川運誠恐致悞臣請

敘州府志

卷十九

木政

二十

勅四川撫臣姚締虞親詣產楠處所察勘應運楠木有設
法竭力可以砍伐者共若干株有雖設法竭力而不
能砍伐者共若干株其必不能砍伐者俟奉

旨之日定奪其可以砍伐者星速採取趲運俾百姓曉然
共知惟視其力之所可爲而不強其力之所必不能
爲各守本業踴躍從事不致狂惑竄匿庶殘疆孑遺
頂戴

皇上如天好生之德同覆載以無疆而工料亦見實効矣

臣已蒙

恩陞任口北道參議運楠事宜固非職掌但臣任蜀已久

熟悉情形仰體

皇上愛養小民軫念殘疆至意敢就在蜀所見所聞披瀝
實陳事屬條陳運楠事宜字多逾格貼黃難盡如果
芻蕘可採伏乞

睿鑒全覽施行

雍正四年建造

萬年吉地需用楠杉木植等項奉

旨工部查照舊例啟奏朕亦不便改換舊例但楠木難得
如果不得卽松木亦堪應用其備辦此等木植自京城
差遣官員未免騷擾地方卽交與總督巡撫著動正項

敘州府志

卷十九

木政

三十一

錢糧地方官果係實心料理如不尅漏錢糧事情自然
有濟欽此

四川巡撫憲德等遴員遵辦自六年起至十一年止
共採合式楠木一千七百三十八件半黔江縣知縣
鄧州彥夔州府通判汪志敏保甯府同知王愿彭縣
知縣王煥墊江縣縣丞彭阼等先後分運赴通交收
〔憲德疏〕據布政使管承澤詳稱除移川東道通行
所屬一體遵照採買購覓及續據不產楠木之各府
廳州縣出具不致容隱印結在案惟據產楠木之馬
湖府屏山縣巴縣廣元洪雅犍爲丹稜宜賓汶川井

研納谿遵義鎮安州綏陽仁懷桐梓南川等府州縣各詳稱所產楠木必得能通大江附近水次者方能轉運今所產合式楠木俱在萬山之中盡屬懸崖峭壁既不能直達大江又無附近水次難以砍伐運送等情除陸續駁飭再加確查果否難以轉運外查有附近水次稍易運送之崇慶州眉州雅州灌縣四處已得合式楠木一百四十四根枋十一塊應請先行採辦起運送京所有已得楠木件數丈尺徑寸一並造冊呈齎等情前來臣查既有附近水次合式楠木一百四十四根枋十一塊應卽先行運送以應

欽工隨檄飭布政司動支庫銀分發崇慶等四州縣照時價給發不許分毫尅扣作速採辦起運至重慶府交總理川東道參議陸賜書專員送京除咨會採辦楠木各省撫臣並冊分送部科外理合

題報至馬湖等府州縣果否難以轉運現在嚴檄確查其採辦運送合式楠木一百四十四根枋十一塊動用銀兩數目容臣檄令核實造冊另疏
題報合並聲明

三十年四川總督阿爾泰布政使司五諾璽委敘州府知府託隆巴縣知縣段琪等在屏山縣屬之高竹

坪黃螂李子坪雷波屬之多寶山等處採辦大楠木
三十六根

奉進正楠木二十根餘木二根富順縣縣丞王啟琨屏
山石角營巡檢葛泰管運進京送至

圓明園交收

四十八年奉部採辦

地壇望燈杆一根敘州府知府葉體仁等於雷波西昌接
壤雲南永善縣屬之泰來溝地方採辦杉料正木一
根副木二根箴木九根保木一百二十根知州徐時
敏由水路押運進京赴部交收

敘州府志

卷十九

木政

二十三